

АКАФИСТ

преподобному и богоносному отцу нашему

АНТОНИЮ СИЙСКОМУ

Новая редакция



Свято-Троицкий Антониево-Сийский монастырь
2014

Редколлегия: архимандрит Трифон (Плотников),
иеромонах Феофил (Волик), Т.И. Галилюк.

Кондак 1

Избраннаго вождя иноков, изряднаго учителя подвижников, добродетельми, яко цветы украсившася, чудесы же, яко лучами солнечными, сияюща, восхваляем тя с любовию, преподобне. Ты же, предстоя престолу Пресвятыя Троицы, испроси нам оставление грехов и избавление от всех бед и зол: да житие невлазненно и безмятежно текуще, благодарне зовем ти: Радуйся, преподобне отче наш Антоние.

Икос 1

Ангелов ревнитель от юности показался еси, преподобне: рождейся во убозей веси, яко гражданин небеснаго Иерусалима ходил еси: прост сый земледелец, перевозванному Апостолов тезоименит и подражатель был еси: Христу последуя, многи ученики собрал еси. Сего ради зовем ти:

Радуйся, рождением радость, яко первенец, родителем подавый: радуйся, и на небесех благословение первородных наследивый.

Радуйся, юности бучесть издетска отложивый: радуйся, словесное млеко Божественных писаний, паче матерня, вожделевый.

Радуйся, в душеполезных учениих сверстники своя превозшедый: радуйся, благочестием и разумом наставники удививый.

Радуйся, яко измлада сказания о святых и жителство их возлюбил еси: радуйся, яко рано уразумел и презрел еси суету благ временных.

Радуйся, яко дом Божий паче отча избрал еси: радуйся, яко издетска навыкл еси песнословити Господа.

Радуйся, яко образ Создателя на дсках живописуя, яснейшее подобие Его на скрижалех сердца твоего вообразил еси: радуйся, яко от юности в сердца твоем к небесным восхождению положил еси.

Радуйся, преподобне отче наш Антоние.

Кондак 2

Видяще близ кончинѹ живота своего, благовернии родители твои с молитвою предаша тя и братию твою Господеву: сего ради и по смерти их не познал еси себе сира, но со благодарением возопил еси Богу: Аллилуѳя.

Икос 2

Разумом и испытанием конечно познал еси сѹетѹ привременныя сладости: достигше же в мерѹ возраста в мужа совершенна, подобно Подвигоположнику своему, явившему Себе миру, тридесяти лет вдал еси себе в слѹжбѹ Господеву: оставив мир и вся, яже в нем, приял еси образ ангельский. Такое же ѹбо изволение твое восхваляюще, глаголем:

Радѹйся, яко на распѹтних мира сего обрел еси правый пѹть в царствие небесное: радѹйся, яко оставив дом отца своего, водворился еси в дому Господни.

Радѹйся, добрый рабе, яко был еси верен Владыце твоемѹ: радѹйся, яко ѹже носи раб, но сын и наследник Божий.

Радѹйся, яко и в сѹпружестве, како ѹгодити Господеву, помышляя еси: радѹйся, яко во иночестве всецело Господеву себе предал еси.

Радѹйся, яко вожделения плоти обуздал еси: радѹйся, яко плоть дѹхови покорил еси.

Радѹйся, яко раздав имения своя, нищия ѹщедрил еси: радѹйся, яко нищетою богатство нетленное стяжал еси.

Радѹйся, яко ѹбегл еси соблазнов мира и сетей днавола: радѹйся, горлице пѹстыннолюбная, исторгнѹвшаяся от сети ловчи.

Радѹйся, преподобне отче наш Антоние.

Кондак 3

Сила божественная яве ѹкрепи тя, обнощеваша за пять поприщ до святыя обители Пахомия:

Егда бо в соннем видении крестом осени тя старец святолепен, рекий ти: возьми крест твой и гряди вслед мене, не бояся козней диаволих: ты, в радости востав от сна, всю ночь молился еси Господеви, благодарне воспевая: Аллилуя.

Икос 3

Имуще сердце уготовано в службу Господеви, сего пречистому образу со слезами радости и благодарения поклонился еси во вратех тоя обители, в нюже вселься, не солгал еси Святому Духу, но паче всех работал еси Господеви. сего ради зовем ти:

Радуйся, яко препоясался еси с высоты силою: радуйся, яко крепце ополчился еси противу плоти, мира и диавола.

Радуйся, яко преискренне принеслся еси Богови: радуйся, яко сраспялся еси Христу.

Радуйся, яко сладце понесл еси время Его: радуйся, яко смиреннем украсился еси.

Радуйся, яко вся, яже на земли, мудрования отринул еси: радуйся, яко постническими трудами Богу угодил еси.

Радуйся, яко глаголы божественными душу напитал и укрепил еси: радуйся, яко бодренною молитвою и псалмопением дух твой окрылил еси.

Радуйся, яко в дении всенощными и хранением сердца уготовал еси себе к зрению невечерняго света: радуйся, яко образ жития иноческаго был еси.

Радуйся, преподобне отче наш Антоние.

Кондак 4

Брю душегубительну непщуя быти славу челоуечу, из обители в пустыню удалился, идеже храм воздвигл еси, и тамо седмь лет непрестанными трудами, молитвами и посты благоугождал еси Богови, немолчно воспевая: Аллилуя.

Икос 4

Слышав молву и прещенія окрестных жителей, помянул еси словеса Христова бежати от гонящих ны, и сквозе непроходныя дѣбри привел еси ученики твоя ко езеру, идеже обретѣся мѣсто, за многа лета в жилище иноком назнаменованное, и среди дѣбрей, блат и езер с дивными зверьми вселился еси. Сего ради взываем ти:

Радуйся, смиренномудрием всяку распрю погасивый: радуйся, кротостию злобу победивый.

Радуйся, любовию вражду отмстивый: радуйся, неовитаемая мѣста молитвою освятивый.

Радуйся, безмолвныя дѣбри божественными песньми огласивый: радуйся, в непроходимыхъ стѣзи благи обретый.

Радуйся, в напастехъ и искушениихъ, терпения и упования не погубивый: радуйся, спутники твоя в терпении укрепивый.

Радуйся, в неправеднемъ изгнании, входы царства небеснаго обретый: радуйся, древо плодоносно, при водахъ насажденное.

Радуйся, финиче, процветый в пустыни: радуйся, яко кедр, иже от Ливана, возвеличивыйся.

Радуйся, преподобне отче нашъ Антоние.

Кондак 5

Боготечней звездѣ уподобился еси, водая спутники твоя на мѣсто, идеже первее водрузил еси крестъ Господень, и слезно молился еси Владыце Христу сохранити тя отъ врагъ видимыхъ и невидимыхъ и утвердити в терпении нести крестъ свой, и пети Богу: Аллилуія.

Икос 5

Видя невидимыхъ враговъ прилоги, отгоняя еси техъ, подъемаля руже на молитву: в трудехъ и подвизехъ непрестанныхъ, дивными точною зелии питался еси: алчущия же ученики твоя, не имый хлеба, словесы божественными насыщал и укрепляя еси, дондеже некто,

мимоходяй, подаде ти вся потребная к препитанию и строению обители. Сицевому убо смотрению Божию, якоже и вере твоей дивящися, радостно вопием ти:

Радуйся, безсиліе темных сил обличивый: радуйся, силу молитвы победительну показавый.

Радуйся, веру непоколебиму стяжавый: радуйся, упование неотложно сохранивый.

Радуйся, любовь нелицемерну и безкорыстну со-блюдый: радуйся, всяко житейское попечение отложи-вый.

Радуйся, всяку печаль на Господа возвергий: радуйся, терпением во искушениих, мужество неоворимо явивый.

Радуйся, мудрый строителю, не на песце, а на тверде камени зиждяй: радуйся, яко, нищ быв Господа ради, доволен был еси многи боголюбцы собрати и препитати.

Радуйся, ничтоже имущи, вся содержи: радуйся, в промышленности любве Божия источник всякаго довольства неизсякающ обретый и иным явивый.

Радуйся, преподобне отче наш Антоніе.

Кондак 6

Проповедник святыни твоея, преподобне, явися враг твой, един от приставник к собиранию даней: он бо, непщүя тя имуща стяжания многа, наят разбойники расхитити обитель твою, но не возможе озлобити ю, народа ради, со оружии обстояща ю: үведевый же, яко не человеки, но силы небесными охраняешися, при ногү твоею раскаяся о зле, просяй прощения. Ты же, незловив сый, с любовию отпустив его, воспел еси Богү: Аллилуя.

Икос 6

Возсиял еси, яко звезда светлая, лучами святыни озаряя Россню: слава бо добродетелей твоих промчеса по всем градом, привлекаши многия во обитель твою.

И царь, послав тебе грамоту, да строиши пустынное жительство, предаде себе и царство свое твоим богоприятным молитвам, имиже ограждаеми зовем ти:

Радуйся, Российских царей предстателю: радуйся, отечества твоего охранителю.

Радуйся, светильниче, горяй любовью и светяй святынею: радуйся, воеводу полка иноческаго.

Радуйся, правый водителю ищущих спасения: радуйся, силою Божиею изымаяй из плена греховнаго.

Радуйся, свободяяй от работы суетныя: радуйся, многия козни лукаваго помощию Божиею поведивый.

Радуйся, исполняяй души сладостей духовных: радуйся, источаяй токи слезныя из сердец окамененных.

Радуйся, воздеянием руку твою спасаяй нас от нападений мысленнаго амалика: радуйся, преводяй благопокоривыя ти в землю, святым обетованную.

Радуйся, преподобне отче наш Антоние.

Кондак 7

Хотяй насыщати словеса божественными и песньми духовными собранное тобою стадо, создал еси храм Живоначальныя Троицы, и неописанный образ триединаго Божества потщался еси вообразити на иконе, споспешествующу ти Самому Господу, Емуже в посте и молитве работал еси, вопиюще: Аллилуя.

Икос 7

Новое чудо яви Господь, изнесый невидимую рую честную икону из горящия церкви и невредимую поставивый посреде обители: ты же, радуюся, приемлю, со упованием на Господа, новый пространнейший дом Пресвятей Троице воздвиг еси, и иныя храмы надал еси, и тако обитель твою благоустроил еси, юже и ныне ограждаеши молитвами твоими, спасаяй вопиущия ти:

Радуйся, яко твоими молитвами новый источник благодати Божия отверзется: радуйся, яко икона Пресвятыя Троицы, тобою начертанная, чудеса прославися.

Радуйся, яко в пустыни обитель благочестия процветет: радуйся, яко тобою пристанище благооттишно душам уготовася.

Радуйся, яко тобою училище покаяния устроиася: радуйся, яко тобою открыася путь хотящим к почести вышняго званія тещи.

Радуйся, яко тобою лествица духовных восхождений утвердися: радуйся, яко ищущим спасения от потопа греховнаго нов коравль тобою исправися.

Радуйся, яко во обители твоей исцеляются недуги душ и телес: радуйся, даяй привежище целомудрию, постничеству и вольней нищете.

Радуйся, яко ищущии твоего предстательства присно милость Божию обретают: радуйся, яко приял еси благодать молитися о всех.

Радуйся, преподобне отче наш Антоние.

Кондак 8

Странная чудеса во обители твоей сотвори Господь Своєю иконою, юже из пламене чудно спасе: точию во прикоснүся к ней үсты слуга некий, авие свободися от дүха злаго. Иный слуга, положен быв пред нею, избавися падүчия болезни: и сестра нереса, слепа сүщи, авие прозре, егда обловызаше чудотворный образ Пресвятыя Троицы. Сего ради и мы Пресвятей Троице вопием: Аллилуя.

Икос 8

Весь собор инок едва возможе преклонити смирение твое к приятию игүменства: еже приемь, дивен настоятель был еси, первенствүя в трудех иноческих, яко мний всех и раб всем показүяся, рүбищем покрывая себе, смиренным же зраком үтаеваемая обилие

благодати и богатство святыни. Сего ради приснии радовахүся, пришельцы же не мняхү ты начальника быти, мы же үмильне зовем ти:

Радүйся, яко мний мняйся быти, велий ү Господа славы вменился еси: радүйся, яко үча ины творити, вся первее сам сотворил еси.

Радүйся, яко ночь не преможе твоего вдения: радүйся, добрый страже дома Божия.

Радүйся, яко в зраце твоєм присно являшеся трезвение үма твоего: радүйся, правило веры и образ смирения.

Радүйся, яко тягчайшия работы люботрудне со всеми разделял еси: радүйся, яко болящим үсердно послүжил еси.

Радүйся, яко странныя ввел и нищия препитал еси: радүйся, яко немощи немощных терпеливно понесл еси.

Радүйся, всея земли Двинския үвеселение: радүйся, дүш наших радование.

Радүйся, преподобне отче наш Антоние.

Кондак 9

Всякү славу и честь аще и праведне тебе воздаемү от человек, непщүя быти виновнү лишения славы Божия, предал еси власть твою единомү от үченик твоих, и со единым от них тайно отшел еси во остров един, идеже вдал еси себе непрестанней молитве, трудом и пощению, бодренно воспевая Господеви: Аллилуия.

Икос 9

Ветия дивен был еси, присно от сердца исполнена любве глаголай и помышления человеческая дүхом провидяй, одинаго от үченик твоих предварив, поставил еси не отлагати обеты иноческия ради мирския прелести: и үтешив его словесы Писания, возбранил еси зломү помыслү возвратитися в сердце его. Сего ради зовем ти:

Радуйся, изряднейший врачу духовный: радуйся, верный наставниче умов заблуждших.

Радуйся, сердце мягчущихся упоконтелю: радуйся, злых начинаний разорителю.

Радуйся, благих помыслов насадителю: радуйся, святых желаний внушителю.

Радуйся, разслабленные воли укрепителю: радуйся, искушений и соблазнов избавителю.

Радуйся, от прилогов диаволих защитителю: радуйся, унылых и отчаяющихся утешителю.

Радуйся, усыпленных совестей возбuditелю: радуйся, путей покаяния и спасения мудрый сказателю.

Радуйся, преподобне отче наш Антоние.

Кондак 10

Спаستися хотящи стужаху ти, приходяще в пустынную келлию твою: сего ради далечайше в деврь отбегл еси, и во глубине гор, аки в конобе, водворил еси, и тягчайшия подвиги подъял еси, презрев страхования демонов и обнажив до чресл тело мшицам, в молитве терпел еси, воспевая Богу: Аллилуия.

Икос 10

Стеною крепкою и оплотом надежным был еси обители твоей, егда возвратился еси в ню ко учеником твоим, разсеятися хотящим, и добре пасл еси стадо твое: уста бо твоя, яко сот мед, искапаху слова благодати, зрак же твой являше кротость и любовь отчу, седина извествоваше мудрость ума и чистоту сердца, согбенный вид твой, старче Божий, подобяше тя древу, красных плодов обилием долу преклонену. Сего ради зовем ти:

Радуйся, красото Церкви Христовы: радуйся, сосуде святыни.

Радуйся, цвете иночества: радуйся, светильниче миру.

Радуйся, красное здание благодати Христовы: радуйся, преукрашенный храм Святаго Духа.

Радуйся, новый образ Божий: радуйся, подобие Христово.

Радуйся, дражайший кораблю, вносяй в пристанище неисчетна сокровища духовная: радуйся, купец, приумноживый в данная от Бога таланты.

Радуйся, добрый рабе, обретенный многоценен бисер и того ради вся, елика имаше, продавый: радуйся, верный приставниче дому Божия.

Радуйся, преподобне отче наш Антоние.

Кондак 11

Пение Господеви совершившим учеником твоим, в праздник боголепнаго Преображения Христова, предложил еси во славу Божию велие и чудно учреждение на трапезе, якоже и Господь сотвори: повелев во еси рыба-рем, обнощь все труждавшимся о ловитве рыб, паки воврещи мрежу во езеро, и якоже предрекл еси им, извлекоша множество великих и различных рыб, яко всем дивитися, и дивному во святых Богу воспети: Аллилуия.

Икос 11

Светозарную жизнь скончавая, седмидесяти девяти лет старец сый, яко отец чадолюбив, вся смотрительне устроил еси во обители твоей. Ученики твоя, о скорем преставлении твоём скорбящия, наставил и утешил еси: уставы общежития писанием утвердил еси, и вместо себе иного игумена нарекл еси: сам же во вдении и молитве не вкусил еси покоя, дондеже Господеви предал еси святую душу твою. Ученицы же твои, возвращешся из храма и видевше тя бездыханна лежаща, рuce же яко молящуся при персех и муща, со слезами возопиша:

Радуйся, благий наш отче, зряй ныне Отца светов: радуйся, пастырю наш добрый, предстояй ныне пастыреначальнику Христу.

Радуйся, питателю наш, сладостьми небесными насыщайся: радуйся, покровителю наш, в кровех небесных водворивыйся.

Радуйся, предстателю наш пред Богом, ангельская зрящий утешения: радуйся, сожителю святым небожителем.

Радуйся, гражданин горняго Иерусалима: радуйся, священная главо, венчанная от Царя славы.

Радуйся, зрителю трипостаснаго света: радуйся, ведче Божественных таин.

Радуйся, на лоне любви Божия упокоивыйся: радуйся, радостей ради небесных, всяку болезнь и печаль конечно забывый.

Радуйся, преподобне отче наш Антоние.

Кондак 12

Благодати сосуд, честное тело твое, не дерзнуша ученицы твои, по глаголу твоему, изврещи в девр на растерзание зверем, или обесити на стене в снесь птицам, или потопити во езере: но праведно разориша завещание твое, благочестне положше мощи твоя во храме Живоначальная Троицы и гробницу твою украсивше святыми иконы, по всяк вечер усердно стекахуся пети над нею надгробная: Аллилуия.

Икос 12

Пети вся чудеса твоя не возможем, многа бо зело дивная сотворил еси и по смерти твоей. Бего ради веруем, яко ныне на небесех живеши, и приносимая тебе пения милостивно приемлеши, и паче дерзаем глаголати:

Радуйся, божественный врачу, всяку болезнь и всяку язю скоро исцеляяй: радуйся, разслабленныя возставляяй.

Радуйся, и малодушныя утверждаяй: радуйся, слепыя видети творяй.

Радуйся, и помраченныя умы смысленны деяй: радуйся, и неверующия веровати научаяй.

Радуйся, уповающая спасая: радуйся, из грехов-
ная бездны изъемай.

Радуйся, от насилия демонскаго свобождай: ра-
дуйся, к самоубийству текущая воспящая.

Радуйся, паче надежды помощь подавая: радуйся,
и не звавшим тя, яко зван, благовременно помогай.

Радуйся, преподобне отче наш Антоние.

Кондак 13

О предивный чудотворче и великий угодниче Хрис-
тов, преподобне отче Антоние, предстояй ныне пре-
столу Пресвятыя Троицы, прими от нас грешных
приносима ти хвалебная пения и молитвами твоими
испроси нам у Господа отпущение грехов, избавление
от бед временных и спасение от мук вечных, да с то-
бою выну трипостасному Богу воспеваем: Аллилуя.

Сей кондак трижды. И паки икос 1 и кондак 1.

Молитва преподобному и богоносному отцу нашему Антонию Сийскому

О всевлаженне отче наш, преподобне Антоние, теплый заступниче и помощниче с верою призывающим тя, избави нас молитвами си ко Господу от всякаго обстояния бесовскаго, и изми нас, окаянных и недостойных рабов твоих, о чудотворче Антоние, от уст пагубнаго змия, зияющаго пожрети нас и свести во ад живых; прости нас, отче, елико согрешихом ти, и исторгни нас от греха и всякия напасти, приходящия грехов ради наших. Подаждь душам нашим утешения, всади в сердца наша страх Буда Божия, и избави нас от врагов наших, видимых и невидимых, тебе во имя тепла молитвенника и заступника, иже в бедах сущии и в грехи впадшия. Ты бо явился столп благочестия, воздержания правило, смиренномудрия образ, целомудрия наставник, убогим и сиротам заступник и хранитель прибегающим к тебе. Кто убо по достоинству может похвалити равноангельное твое житие, и кто может исцести твоих трудов подвижи, и слезы ко Господу, воистинну яко солнца светлейши возсияша твоя исправления. Ревнитель бо бысть всех святых преподобных и праведных, и учитель духовный, поборник, и заступник, и молитвенник, Пресвятей Троице предстоя. Ты яко мир оставил еси и яже в мире, и нас в покаяние приведи ко Господу молитвами си, отче всечестнейший, да и мы сподобимся вечных благих, идеже наслаждаешься Небесная славы желаемого Иисуса Христа, Истиннаго Бога нашего и Благчайшаго Владыки и Господа всех, Емуже подобает всякая слава, честь и поклонение со Безначальным Его Отцем и Пресвятым, и Благим, и Животворящим Его Духом, ныне, и присно, и во веки веков. Аминь.

Молитва иная преподобному отцу нашему Антонию

О, предивный чудотворче и великий угодниче Божий, преподобне отче Антоние, пастырю наш добрый, теплый заступниче и скорый помощниче, предстояй престолу Пресвятыя Троицы, призри милостивым оком на ны и на вся люди, благоговеине притекающия к честному гробу твоему, в немже лежащия святыя мощи твоя, от дний древних цветуще нетлением и благоухающе благодатию животворящаго Пресвятаго Духа, неоскудно источают исцеления от всяких недугов душевных и телесных, услыши нас молящих ти ся и чтущих святую память твою. Простри рuce твои ко Владыце неба и земли, и в твоих богоприятных молитвах поминай святейшия вселенския патриархи, и Великаго Господина и отца нашего Кирилла, Святейшаго Патриарха Московскаго и всея Руси, и Господина нашего Преосвященнейшаго Тихона, епископа Архангельскаго и Холмогорскаго, преосвященныя митрополиты, архиепископы и епископы, и весь священнический и монашеский чин, и весь причет церковный, военачальники, градоначальники, Христолюбивое воинство, и вся православныя Христианы, испроси нам оставление прегрешений наших. Моли милостиваго Бога отвратити от нас всякий гнев его, праведно на ны движимый, и сохранить не точию обитель нашу, но и вся грады и веси, и вся страны Христианския, и люди живущия в них, от града и глада, от труса и потопа, от огня и меча, от нашествия иноплемennых и междоусобныя брани, от смертоносныя язвы и всякия пагубы и всякого зла, даровати же нам вся к жизни временней благопотребная и к вечному спасению полезная. Помози нам, святче Божий, избежати пагубных сетей диаволнх, преповедити соблазны мира и умертвити уды наша сущия на земли: отврати очи наши от суетных и прелестных вещей земных, направи же умы и мысли наша к зрению красот Божественных, пренебесных и нетленных, сердца наша, недугующая страстьми

греховными, исцели, да не прильпнут сластем привременным и безместным: согрей же я Божественною любовию, да вожделеют истиннаго и непреходящаго блаженства, еже в Бозе. Укрепи нас к исполнению заповедий Господних, даждь нам покаяние сердечное и умиление слезное, молитву непрестанную и трудолюбие неослабное, бодренное трезвение ума и хранение сердца, мир помыслов, чистоту желаний, правоту деяний, да избавльшеся тобою от всяких зол душевных и телесных, и соблюдше веру правую, надежду неотложную и любовь нелицемерную, богоугodne скончаем житие наше на земли, и прешедше в жизнь вечную, сподобимся зрети трисветлую зарю трисияющаго вечнаго Солнца, и в невечернем дни Небеснаго Царствия, купно с тобою и со всеми святыми, благодарне воспевати и благословляти Пресвятую Троицу, Отца и Сына и Святаго Духа, во веки веков. Аминь.

Молитва иная преподобному отцу нашему Антонию

О, богоблаженне и приснопамятне отче наш Антоние, не мним тя мертва суща, аще телом и преставился еси от нас, но жив в соборе Ангелов водворяешися. Моли за ны, избранниче Христов, и не презри нас, верою и любовию чтущих тя, поминай нас недостойных у престола Царя Небеснаго, тебе бо дадеся благодать молитися за ны. О, заступниче и молитвенниче наш добрый! се во святых мощей твоих рака пред очима нашими видима есть, сохраняй нас всегда от сетей вражних: молися ко Господу о спасении душ наших, и испроси нам покаяния время и Христианскую кончину безболезненную, непостыдную, мирную, да невозбранно преидем мытарства воздушных князей, и сподобимся Небеснаго Царствия со всеми угодившими Владыце неба и земли, Господу нашему Иисусу Христу, Емуже подобает всякая слава, честь и поклонение всегда, ныне и присно и во веки веков. Аминь.

Тропарь, глас 1:

Желанием дѹховным распалився,
и мятежи мирскія отринув,
ко единому же Божу любовию прилепился еси,
и того вседѹшне взыскѹя,
во внутреннюю пѹстыню отшел еси,
при водах вселився,
идеже во слезах и трудѣх пребывая многолетное время,
в терпении мнозѣх житие ангельское проходил еси,
в наставлении божественнаго разѹма:
и множество монахов собрал еси, мѹдре,
их же посещая, не остави, преподобне отче наш,
Пресвятей Троице моляся
от зол всяческих избавити и спасти дѹши наша.

Кондак, глас 8:

От юности, преподобне,
плоть твою в постѣх и молитвах истончил еси,
и крест твой взем, Христу последовал еси,
идеже со всеми святыми Святей Троице предстоиши.
И ныне стадо твое посещая,
поминай чтѹщих пресвятѹю память твою,
да вси благодарне вопием ти:
радѹйся, богомѹдре Антоние, наставниче пѹстынный.

Ин тропарь, глас 6:

Иже воистиннѹ на земли тя Ангела
и на Небеси человека Божия почтим,
сию жизнь сѹетнѹю оставль,
яко воистиннѹ преѹдобен воин Христа Бога,
на страсти дѹшепагѹбныя подвизався в жизни сей сѹетней
бденіем и пощением,


во всем быв образ своим учеником.
Темже бо в тя вселися Пресвятыи Дух,
Егоже действием светло украшен,
но яко имея дерзновение ко Святей Троице,
поминай святую обитель сию
и стадо свое, еже собра, мудре,
и не забуди, якоже обещался,
посещай чад своих,
Антоние преподобне, отче наш.

Ин кондак, глас 3:

Христа единого вожделев,
и к Тому любовию язвився,
и Тому неотложным путем последовал еси.
Всякое житейское наслаждение возненавидев,
темже, яко второе солнце, чудеса сияя,
и сего ради тя даром обогати Владыка,
поминай нас, чтущих пресветлую память твою,
да зовем ти:
радуйся, Антоние, преподобне отче наш.

Стихира преподобному Антонию:

Радуйся, всесвященная главо,
преподобне отче наш Антоние,
угодниче Христов присножеланный,
Вышних Сил ревнителю и совеседниче ангелов.
На земли бо в плоти сый,
бесплотных житие проходил еси,
подобоя тех житию же и нраву,
с ними же ныне в присноблаженном свете пребывая,
наслаждаяся зрений божественных,
Христу Богу молися
мир вселенней даровати
и душам нашим велию милость.



ЖИТИЕ ПРЕПОДОБНОГО АНТОНИЯ СИЙСКОГО И ВСЕЯ РОССИИ ЧУДОТВОРЦА

Преподобный Антоний родился в 1478 г. в деревне Кехте Двинской области в благочестивой семье Никифора и Агафии. При крещении ему было дано имя Андрей. С детства Андрей был кротким, тихим, незлобивым отроком и за смиренный нрав был всеми любим. Он глубоко почитал родителей своих и старался во всем повиноваться им. В семь лет отрока отдался учиться грамоте и в учении книжном превосходил он всех сверстников своих.

В 1503 году, после смерти родителей отправился Андрей в Новгород, где работал пять лет в услужении у боярина. По повелению господина своего Андрей женился, но через год овдовел. И стал он размышлять о суетности мира сего, и возгорелся духом сподобиться ангельского иноческого чина.

После смерти господина раздал Андрей имущество свое и устремился в Пахомиеву пустынь, что на реке Кене, в Спасо-Преображенский монастырь. В то время игуменом монастыря был Пахомий, основатель обители, муж святой и духовной жизни. Узрев внутренними очами, что Андрей является избранником Божиим, игумен постриг его с именем Антоний и взял себе в ученики. Было тогда Преподобному 30 лет.

В монастыре инок Антоний пребывал в посте и молитве, трудясь днем и молясь ночами. Пищи и пития вкушал немного и то через день. Всегда первым приходил в храм Божий и последним уходил из него. Молитва Иисусова непрестанно была на устах его. Имел Святой великое смирение и носил то, что считалось худшим. Был сильным и крепок телом. Трудился всегда за двоих. И был всеми любим и почитаем.

Имел же Преподобный обычай ходить в больницу и прислуживать там, стирая одежду и омывая больных. Видя подвиги и труды его, братия хвалила и почитала Антония. Решил тогда Преподобный во избежание славы земной отойти в пу-

стыню. И, благословясь у игумена, ушел с двумя иноками на реку Емцу, где у порога Темного обосновал монастырь, оградил его, построил храм в честь святителя Николая и прожил в обители сей 7 лет с братией.

Но человеконенавистник диавол возмутил жителей ближайшей деревни против монастыря и те возроптали, боясь, что Преподобный завладеет угожьями их. Святой по незлобию своему не стал спорить с ними. Смиренно помолившись за них, чтобы Господь «не вменил им это во грех», Преподобный с братией отошел вниз по течению реки Емцы, молясь Господу, чтобы он указал, где обрести место для новой обители. И Всещедрый Бог послал им навстречу местного жителя Самуила. Тот привел их на Большое Михайлово озеро, через которое протекает речка Сия. Место же это считалось Богом отмеченным, святым: задолго до пришествия сюда блаженного Антония окрестные жители слышали много раз то звон колоколов, то ангельское пение, то видели монахов, рубящих лес. Вокруг озера, темные леса и непроходимые дебри, и от создания мира никто из людей не жил там, ибо судьбами Божиими хранилась пустынь та для святой обители.

Преподобный Антоний возлюбил место сие, исполнился радости и возблагодарил Бога. Поставил Крест, срубил кельи для себя и шести иноков: Александра, Иоакима, Исаяи, Елисея, Александра и Ионы. Три года в молитвах и трудах прожили семь иноков, питаюсь от трудов своих, терпя порой голод, лишения и скорби от неправедных людей.

Постепенно слава о добродетелях и высокой духовной жизни Святого разнеслась по окрестным селениям, и начали приходить к Преподобному местные жители, прося помолиться о них. А иные стали проситься, чтобы он принял их к себе и постриг в иноки. И Святой принимал таких с радостью.

Численность братии возрастала, и тогда послал блаженный Антоний двух иноков в Москву к государю испросить благословение на строительство монастыря. И получил от

него жалованную грамоту с повелением строить монастырь и братию собирать.

И построил Преподобный Антоний первый храм, освятив его во имя Живоначальной Троицы. Призвав же иконописца, благословил его написать для храма икону Живоначальной Троицы и сам помогал иконописцу в работе, ибо в юности обучался иконописи. Когда же написана была икона, то святой молитвенник поставил её в храм и начал ежедневно слёзно молиться перед ней Живоначальной Троице о попечении над местом сим и теми, кто подвизался в обители сей. И не пропали даром молитвы и слезы Преподобного. Даровала Живоначальная Троица иконе сей благодать чудотворную исцелять людей, с верой притекающих к ней. А однажды, когда в монастыре случился пожар и полностью сгорела церковь, было явлено чудо Божие. Спаслась от огня невредимой святая икона Живоначальной Троицы. И прославили Преподобный и братия Бога, сотворившего это чудо дивное. И увидели все, что Господь не оставляет место сие. И стали на месте сгоревшей строить иную, большую церковь во имя Живоначальной Троицы. Трудями блаженного Антония с братией были построены еще две церкви: во имя Благовещения Пресвятой Богородицы и во имя преподобного Сергия Радонежского. Так был устроен монастырь, первым игуменом которого стал его основатель блаженный Антоний.

В отношениях с братией блаженный Антоний старался следовать евангельским заповедям: «Если кто хочет большим быть, да будет всех меньше и всем слуга». Преподобный почитал себя меньшим среди всех. Он работал наравне со всеми, придаваясь всю ночь молитвенному подвигу до зари; ел и пил то же, что и вся братия, и не досыта, столько, чтобы никто не знал о его постническом подвиге. Носил всегда изветшалую ризу, так что те, кто видели его впервые, не признавали в нем игумена, принимая за убогого и нищего инока.

Святой Антоний написал собственною рукою устав для обители, который повелел соблюдать не только при жизни, но и после смерти своей. В нем он заповедал пищу и одежду всем равные класть по возможности, заботиться о немощных и больных как о себе, помогая им в немощах; полностью воздерживаться от хмельных напитков, не варить и не держать их в обители и не впускать никого в монастырь, кто хотел бы привезти с собой хмельного и угостить им братию. В то же время Святой заповедал в уставе досыта нищих кормить и милостыню давать, дабы не оскудела милость Божия над святым местом сим.

Многих больных и одержимых приводили к Святому Антонию и он молитвой исцелял их. Слава об этом разнеслась далеко за пределы монастыря. Это очень опечалило Старца, который боялся погрешить земной славой против небесной. И решил он тайно удалиться от людей. Избрав одного из учеников своих, возвел он его в сан игумена, вручил ему паству и обитель на попечение, а сам ушел сначала на озеро Дудницу, а затем еще дальше, на озеро Падун.

Через два года пришла братия к нему с просьбой снова стать их пастырем и наставником, говоря, что в ином случае разойдутся они. И хотя Преподобный не хотел возвращаться в обитель, но, ради братии, вынужден был снова взять на себя игуменство. И жил он вместе с братией до глубокой старости.

Когда Преподобный достиг конца жизни своей земной, то призвал братию и дал ей последние духовные наставления, и записано было то в духовной грамоте. По просьбе братии он избрал для них нового наставника именем Кирилл. Преставился Блаженный наутро с воскресения на понедельник 20 декабря (7 декабря по ст. ст.) 1556 г. в возрасте 79 лет. Мощи его святые и ныне почивают под спудом в правом пределе Троицкого собора монастыря.

Преподобне отче наш Антоние, моли Бога о нас!